

114
A 5288
2

黑澤登幾女小傳

草稿

女史名登幾常州高野村農黑澤信助之妻也父黑
 澤光仲奉修驗道亦有志操憂國之情篤矣常在家
 聚兒童教授焉女史少而聰慧好讀經史善和歌及
 筭出嫁黑澤信助生三子信助早亡安政戊午歲水
 戶藩主齊昭公為幕府所忌本謹慎于其封地於
 是藩士之本公而一時唱正議者皆被逮捕殆無虛
 日矣本或告女史曰汝從來得正議黨名亦宜自戒
 以避禍也女史聞之益不堪悒憤竟請母曰我公嘗
 以大義誘天下皆人之所知也而今被譴責屏居其
 苟有志者孰不為之切哉兒素不肖且以屢弱之



身肯閔事國雖然亦豈忍坐視之因欲潛適京師投縉紳之門以死白我公之冤枉也兒方得以一死報國家何倖若此至願成兒之志請之不己母感其志竟許之於是安政六年二月辭鄉先至江戶而密窺其形勢佯稱巡拜諸國神社者乃詣信州善光寺又登戶隱山遠跋踣嶮岨道經閑原守山等遂入京師時三月廿五日也以北野祠僧慶圓坊其為父執乃往造之請得其紹以學和歌於東坊城氏此時公亦觸幕府之嫌諱屏居因乃許焉且令寓之於其臣坐田某家既而女史賦長歌一首叙其志以進焉公為之感激此歌後遂達 朝聞云居數月又赴

讚州謁金毘羅廟從此乘舟徑至浪華幕吏覺而捕之于塗直下獄鞠之其奉齊昭公之命入京師女史不服曰方今虜跋扈于我國勢殆將啓罅隙也吾以此為憂故為天下巡拜諸國神社以祝禱焉耳何奉命之有氣意毫不撓吏無奈之何後移之於二條獄而再加拷報女史聲色自若所荅如初且詠和歌投之吏以示無他其吏竟護送之於江戶而巖幽焉至此女史在縲綬中者數月是歲十月議處追放之刑不許其入江戶及山城常陸之因居野州茂木村久矣會戊辰之春大政復古百事悉維新至是其積年之志始得伸矣明治七年 朝廷賞其

標廷議賜秩祿十石以終其身其言曰汝以纖弱之身夙尊王之志厚遂竊入京師雖身就幽囚始終不變其節專竭心於國事以至今日敵感特深矣因為其褒賜之云々

島津久光公小傳

公故薩摩守齊興之二子舊藩侯茂久之父也公少而好學涉獵群書頗精和漢之學其嘗持身方正莫有聲色之娛萬延文久之際尊王攘夷之議起此時公之英名獨聞天下壬戌歲公在京師諸士之倡尊攘者皆欲賴公而成事爭鞿攝間公慮其暴舉誤事鎮撫事勉焉是歲六月朝廷遣大原左衛門督奉詔書至江戶公亦奉旨與往頗論幕幕議竟令將軍奉承其詔旨是將軍上洛之事決矣乃以一是橋刑部卿為將軍之輔弼使越前中將中裁政事中天下之形勢大變而皇室之威權亦中振事

罷公與大原左衛門督俱還京師途過武藏生麥村偶英人馳馬衝公前驅從士憤其不敬追殺之英官怒即率戰艦入品川港直訴之幕府且請得其主使者以甘心焉藩茂久聞此遣其老島津將監言幕府曰聞英人得吾族三郎以將報生麥之事焉彼初失禮於我我因斬之其孰曲孰直未易遽判也乃我當與彼一戰而決其曲直也已三郎言亦如此敢請裁正焉三郎者即公之名 朝廷嘗所賜也幕府遂以金償英人事得平三年七月英人率戰艦侵入麿島港謂曰生麥之事既與幕府平更獲贖金若干於貴藩以鞠養死者之妻孥否則當得主使者以甘心焉耳

屢往復論辯而藩侯竟弗聽彼怒直衝入港內奪取其所繫泊之瀛船公亟下令各岫砲臺狙擊其艦彼先焚所掠奪之瀛船續進戰艦六隻於港口宛轉向岫礮擊一艦在中不撼其所發出之砲彈甚猛烈毀我砲臺數所會大風雨彼縱火延燒我市街我兵乘勢奮戰以輕舸進攻擊其艦連損六艦對戰兩日彼死者二十餘人傷者五十餘人又喪其二將領我兵殺傷相當彼竟不得志而去矣公乃具狀而奏焉 朝廷獎勵而慰之公又遣重野某橫濱港與英人行成

聞此役彼所率之六艦與諸國戰有功未嘗
損傷也英王賜之青旗名曰青旗隊以寵異之
至此被我攻擊始傷云有佛國人嘗評此戰云
始自薩人之開戰至兵罷其所揭之旗幟常擁
大砲不敢離焉此於歐洲戰爭所見也又聞
方英人退軍其一艦截錨而去如此者至行成
之日必出金而贖之是則萬國之公法也恨
我未熟海外之情事故憑公法而不能論究
之也薩人之勤於戰爭亦
可以想也哉

慶應元年幕府再遣兵討長州此時公與藩侯茂又
抵書於幕府極論其不可將軍弗聽而軍亦遂不利
三年四月公朝覲京師數參與朝議尋歸藩戊辰之
春首舉大兵竭力於朝廷其伏水之一戰大破賊
膽以決天下人心之方向續出兵於東北諸道每戰
大捷竟為中興功臣之魁首矣明治二年朝廷嘉
其勲詔進官爵加賜十万石五年天皇西巡之
日臨幸慶島時公上疏言關國事十餘條爾後屢
有辟命固辭不七年五月任左大臣而公常養疾
於其第八年九月參朝大陳其意見未幾而辭官

矣